



ЛЕНИНЭНЬ КИЯВА

ВЛКСМ-нь Мордовской обкомонтэ ды Саранск ошонь комитетэнь газетаст

1941 ие
ЯНВАРЕНЬ
17-це чи
6 (1302) №

ЛИСИ: 11-це ие,
12 № новг

Кроссонтэ икеле

Якстере Армиянь XXIII-це годовщинань лемсэ комсомольской лыжной кросонтэ (соревнованиянь) ютавтоманзо коряс ВЛКСМ-нь ЦК-со оргкомитетэнь решениянзо коряс 1941 иень январень 20-це чистэнь саезь 30-це чинть самс карми улеме ютавтозь лыжной кросонтэнь ды маршевой (ялго молемань) соревнованиатненень комсомольской организациятненень анокист ваннома.

Те ванномась аравты эсензэ икелев задачкас сень, штобу кемень читнень перть провоямс весе ли лыжной кросонтэ эйсэ ды ялго якомонь соревнованиатнесэ участиктне сайсты врачень кедрэ шумбрачинь коряс свидетелстват; ядро ломать весемезэ кармить примамо участия кросонтэ эйсэ ды маршевой (ялго якомонь) соревнованиатнесэ; кода ашти тевесэ командатненень укомплектованианть марто ды аккуратно ли командань (пяттеркань) члентнэ ютавнить тренировочной занятият, сатышкасто ли тренировазь кросонтэ эйсэ участиянь туртов.

Ламо комсомольской организацият, конат ютавсты кроссонтэнь ды маршевой соревнованиатненень серьезной аноктамо, сыть ванномантень вадры результат марто. Саранск ошонь васенце школань ламо комсомолецт уш ютызь сокссо комсомольской кроссонь эрва участиктне туртов аравтозь норматненень. Ней а беряньсэ кармасть ютавнеме тренировка сеть комсомолецтняк, конат кармить примамо участия маршевой соревнованиатнесэ. Можна невтеме иста жо башка пяттеркат, конат аволь беряньсэ анокстыть кроссонтэнь. Вана И. Богатов ялгасть (Саранск) редакцияв кучозь сёрмасонзо сёрмады:

«Монь командасо вете комсомолецт: Виктор Бородин, Михаил Коротков, Василий Ключев, Александр Баринов ды монсь. Аволь весе вейкетэсь маштынек сокссо якамо васень шкастонть. Рона уш маштыль бойкасто ардомояк, пандо прясто валгомояк, трамплинстэ кирявтомояк, конат жо ансяк тонавтнэсь соке лангс стямо, палкатнесэ роботамо. Но сокстнэ марто ульнестэ знакомыть командань весе

члентнэ. Ды главное сеньсэ, што эрвантэ ульнестэ покш мелезэ овладеть те увлекательной спортсонть.

Васенце тренировочной роботатне ютавнестэ чокшнэ, школасо занятиятнеде мейле, поймазо. Эрва лыжной вылазкандонть мейле тейнинек итогт. Тесэ эрвась невте ялганзо асатыштнэ лангс ды чарькодеви, што неть асатыкстнэ омбонде минек роботасо эйзэ вастнэвть. Васенце вылазканок ульнестэ 10—15 километрас. Васень шкастонть кой-конат кадровкшность, финишентень самс сизилть, пилгадыльть. Те толковавиль лавшо тренировкасонть. Меелсь шкастонть кармине ютавнеме тренировка кат седе сеетэсь ды вана ней тейнетяно похот 20—25 километрас. Весемедэ покш мель явдано дисциплинантень. Командирэнь эрва приказось ашти остаткатненень туртов законкс».

Тестэ неяви, што Богачев ялгасть ды сонзэ пяттеркань члентнэ парсте чарькодизь весе сень, кодамо серьезной аноктамо эрва ютавтомс кроссонтэнь, штобу улеме сонзэ эйсэ полноценной участиктне.

Но ламо комсомолецт, первичной организациянь секретарь ды мик райкомт тешкас еще кода эрва эзть кунда те пек покш теветень—кроссонтэнь аноктамонть. Весе аноктамось ламо случайсэ толковави ансяк певтеме корнематнесэ, решениянь сёрмадомасо. Иста Дубенской районсо те шкас еще апак ютавто тренировкань коряс вейкеяк серьезной занятият. Комсомолонь райкомось учни яла первичной организациятненень пельде заявкат кросонтэ эйсэ участиянь лангс. А ютавтыть эрваикс аноктамо Саранск ошонь ламо комсомольской организациясо, кода радиокомитетэ, писателень союзсо ды ламо лиясо.

Шкась а учни. Овси аволь ламо чить кадовсть ванкшномантень ды кроссонтэньгак. Эрва первичной организациятнэ икеле честенэ текекс ашти се, штобу кросонтэ эйсэ участиянь примамо комсомолецтнэ саволь вадрысто аноктазекс.

XVIII-де партконференциянь честьс

Чукальской МТС-нь рабочейтне ды служащейтне XVIII-це партконференциянь честьс седеяк пек виегавтызь эсь ютковаст социалистической соревнованианть седе тов успешнасто роботамоть ды велень хозяйствань Всесоюзной выставкасонтэ участиянь праванть кс.

Сынь покш энтузиазма марто сайсты эсь лангзост социалистической обязателстват, штобу XVIII-це партконференциянь панжона шыанть самс паро ды отличной качеств

ва марто ремонтнораме 61 трактордо а седе аламо. Лиякс меремс, те чинтень топавтомс трактортнэнь ремонтонь планонть 75 процентс, целанек жо сонзэ прыдомс мартонь 1-це чинтень. Плугтнэнь, селякатнэнь ды лия инвентарень ремонтонть прыдомс февралень 10-це чинтень, комбайнатнэнь ды молотилкатнэнь ремонтонть—июнень 15-це чинтень, автомашинатнэнь ремонтонть—мартонь 1-це чинтень.

Ардатовской р-н.

К. Касим.



Саранск ошонь васенце школань тонавтницятне-комсомолецтнэ апак лотксе анокстыть комсомольской лыжной кроссонтэнь.

СНИМКАСОНТЬ: тонавтницян группась тренировкадо икеле ашти школа икеле.

ВЛКСМ-нь ЦК-со

ВЛКСМ-нь ЦК-сь кемекстась те иень тундонь-кизень шкантень комсомольской организациятненень массовой военно-физкультурной мероприятиятненень план.

Комсомольской организациятненень массовой военно-физкультурной мероприятиятненень план

1941 ИЕНЬ АПРЕЛЬ—СЕНТЯБРЬ

Апрель:

1. Первомайской парадсонтэ участиянь комсомольской организациятненень аноктамось. Первичной комсомольской организациятнесэ постоянной подразделениятненень созданиясь ды сынст строевой подготовкась.

2. ГТО-нь комплексэнь программатненень коряс гимнастикань коряс норматненень максоманть кс соревнованиат.

3. Комсомолецтнэнь вийтнесэ спортивной площадкатнэнь теамась ды оборудованиась.

Май:

Массовой комсомольской кросст (соревнованиянь), конат кармить улеме посвященной большевистской печатень Чинтень. Неть кросстнэсэ участиянь таргамс од ломатненень, конат аволь комсомолот;

Московсо ды Московской областэсь—«Комсомольская правда» газетанть лемсэ кросс;

таркатнева—областной ды республиканской газетатненень лемсэ кросс.

Кросстнэ ютавтомс ГТО-нь комплексэнь дистанциятненень коряс.

Июнь:

1. Комсомольской велокросст (соревнованиянь) од ломатненень участиясь марто, конат аволь комсомолот.

Кроссонть (соревнованиянь) ютавтомс ГТО-нь комплексэнь программанть коряс.

программань коряс.

3. Чушкасо налксемань коряс соревнованиат.

Июль:

Физкультурникенъ Всесоюзной Чинтень аноктамосонтэ ды сонзэ ютавтомасонтэ участиясь:

- а) парадс аноктамонь коряс строевой занятият;
- б) заводской, колхозной спартакиадатнесэ участиясь;
- в) горной райононь комсомолецтнэнь горной походт;
- г) тейтертнэнь-комсомолкатнэнь санитарной соревнованиат.

2. Военно-Морской Флотонь Чинть ютавтомасонзо участиясь: водной праздникть ды комсомольской соревнованиат укшномань, ведс кирявнемань, греблян, шлюпочной гонкань ды лиянь коряс.

Август:

1. ГТО-нь комплексэнь весе видтнэнь коряс комсомолецтнэнь открытой военно-физкультурной соревнованиат.

2. Весемасторлангонь од ломатненень XXVII-це Чинть честьс

комсомолецтнэнь военно-тактической тонавтнемат.

3. Весемасторлангонь од ломатненень Чинть—сентябрянь 7-це чинть честьс парадонтэ строевой подготовкась.

Сентябрь:

Весемасторлангонь од ломатненень XXVII-це Чинть ютавтомась.

2. Комсомольской организациятненень стрелковой соревнованиат.

* * *

Тешкстась мероприятиятненень топавтоманть главной цельтнэнь эйстэ вейкес ашти сеньсэ, штобу комсомолецтнэ максовлизь ГТО-нь комплексэнь норматненень.

Сетне мероприятиятнеде башка, конат ёвтазь плансонтэ, весе ковтнэнь перть эрва ютавнеме: военно-тактической налксемат; ялго военизированной переходт, кросст, велокросст, туристской походт местной ды васоло маршрутк.

ВЛКСМ-нь ЦК-сь.

Кастыть колхозной животноводстванть

Кенде велень «22 годовщина Октября» колхойсэнь улить общественной животноводствань колмо фермат—МТФ, ОТФ ды СТФ.

Колхозной общественной животноводстванть развитиядо ВКП(б)-нь ЦК-нь ды СССР-нь СНК-нь постановлениядонть мейле колхойсэнь пек седе ламолгадсь скотинань поголовьясь. Бути икеле молочно-товарной фермасонтэ ульнестэ

ансяк 18 скал, то ней уш эйстэст 35. Реветнеде кармасть улеме 165, тувотнеде—21.

Ферматне парсте аноктазь телентень, лембелгавтозь. Вадрысто аравтозь скотинатненень мельга уходсь. Ферматнесэ роботамо аравтозь колхозонь сех паро ломать: И. Ф. Куданкин, А. Д. Русскина, А. И. Мучкаева ды лият.

И. Мучкаев.

Дубенской р-н.

Чамзинской районсо оборонной роботась

Чиде-чис яла касы военной теветь тонавтнемантень од ломатнень интересет. Парете военно-физкультурной роботанть колхозонь од ломатнень ютксо аравтызе Апраксинской вельсоветань осовахиимовской организациясь. Тесе недлязон-зо колмоксть ютавтневить занятият стрелковой спортонть коряс. Запасонь младшей командирэнт Биушкин ялганть руководстванзо коряс стрелковой группась тонавтнине винтовкань материальной частнень ды ютавтиять тренировкат леднеманть коряс.

Чамзинской средней школы осовахиимовской организациясь те тонавтнема иестанть аноктасть 88 ломань ПВХО-нь I-це ступенень значкист ды ПВХО-нь II-це ступенень коряс 9 инструктор. Ламодо седе касеь организацияськак. Сонзэ рядтнэс примазь 68 тонавтница. Весе те роботанть ветить Осовахиимень органи-

зациянь председателесь Лаптевы вельсоветань членесь Безруков ялганть. Сынъ эсь перькаст пурнасть покш актив, ко на пек лезды оборонной роботань эрва кодамо мероприятиань ютавтомасонть. Вана Давыдов комсомолецсь максынзе норматнень ПВХО-нь II-це ступенень значоконть ланге ды аноктасть 30 тонавтница ПВХО-нь I-це ступенень значкистакс.

Аволь беряньста роботы Покш Маришь велень средней школы военрукось Алютов ялгась. Тесе осовахиимовской организациясь лавшосто роботась. Алютов ялгась пурнась актив ды ушодсь роботамо. Сонзэ руководстванзо коряс 40 тонавтница максызе ПВХО-нь I-це ступенень значоконть ланге норматнень. Организовазь стрелковой кружок.

В. Бочков,
Чамзинской райОСО-нь председатель.

Валт ламо, тев арась

Антоновка велесэ Молотов ялганть лемсэ колхозонь комсомолецнэ пек вечксыз ламонь кортамонть. Эсест собраниянесьяк ды эрва коо макснить обещаният, сайнить обязательстват, сэрмалить решеният, аныак а неавить сынст тевест. Те истя секс, што комсомольской организациясонть лавшо дисциплинась, арась обязательстватнень, решениятнень топавтомас проверка.

Комсомольской вейке собраниясо теезель постановления седе, штобу организоваме куловонь, саразонь пометонь пурнамо, ютавтомс паксясо ловонь кирдема. Примизь те постановленият ды стувтызь. Теэзь мезеяк арась.

Кой-кона комсомолецнэ а аштить примерекс од ломатнень ды весе колхозниктнень, роботасо а неавить прят ике ле молициякс. Эси мекевланк. Примеркс, В. Липатов комсо-

молецсь сеетъста не подчиняется бригадирэнтень, а якси роботамо.

Комсоргось Зюзина ялгась эсензэ текекс лови аныак сень, штобу кодаяк ютавтнемс собраният, корнемс, сэрмадомс решеният ды мейле таго зяркак оймамс, учнемс. Сонзэ а эрсить роботамонь планонзояк.

Чарьковдеи, што истямо лапо комсомольской организациянтень а топавтовить сеть задачатне, конат сонзэ ике ле аштить. Эряви валтнэста ютамс тевс. Комсомолецнэ должны улемсвесеменинь примерекс колхозной производствасо роботамостояк, культурностень ды дисциплинань коряскак. Эстетъ улемс передовикекс ды мельгат ветиамс аволь союзной од ломатнень—вана эрва комсомолецнэ обязанностезь.

И. Липатов,
Дубенской р-н.



Оймсема чистэ охотничамо. Фотоэтидось И. Николаевень.

„Те вана библиотека!“

Кабаевань библиотекась пешксе ламанде. Од ломать, колхозникть састь книгань полавомо, газетань ловномо, шахматсо налксемо. Пурнавсть сынъ ды аштить тосо, кой-конатнень уш пеесткак вейе токшитъ—кельместь.

Библиотекарьсь Блинова ялгась жо пальтонь воротникензэ бепедезь ашти лампа ике ле ды пурнасть велькссэ кирди чернильница.

— Курок солавтови?—кевк-снить эйсэнзэ.

— Мень курок, тесе ваньксэ ай,—мерсь сон.

Учость-учость ломатне ды сыргасть мекев кудов. Кие бутимеь:

— Те вот вана библиотека, культурной очаг! Тезэнь вергиз кельми, аволь лия мезе.

Ды истя эси малав эрва чиста, эрва чокшне, секс што Кабаевань вельсоветань председателесь эзь ускотво библиотекантень пенгть, сонсь жо мурни яла, меке библиотекасонть арась кодамояк робота. Паряк сонсь тень ланге ответи?

А. Зорькин,
Дубенской р-н.

Тетрадесь „тусь соревнованияс“...

(Фельетоннь таркас)

Якшамось скири пиле прятнень. Вармась ловонть пулекс почоды кинть ланга.

Апак вано ловонь бурянт ланге, Дубенской райцентрань лыжниктне январень 12 чистэ пурнавсть тренировочной соревнованияс. Васенцекс старт ланге арась Гандюрин лыжникесь. 30 секунд—ды сонзэ мельга кадовсть аныак соксонь следт.

Вана кеветее иесэ Гулягин. Сон вечксы соксо арднеманть. Течияк молись старт ланге...

Весемезэ кавксэ лыжникть тусть тренировочной походе кемеь километрань тарка. ...Васенцекс финишентень сась райцентрань лыжной спортонь активистесь Гандюрин.

— 42 минутас,—яволятсь судейской коллегиянь председателесь А. Бояркин.

Гандюрин мельга састь Гулягин ды лият.

Пурнавсть ВЛКСМ-нь Дубенской райкомонь кабинетс. Чиез чийсь судейской коллегиянь председателесь Бояркин. Лыжниктне учить результатт.

— Фу!—мик сельгсь Бояркин ялгась,—результатнень ёмавтынь...—Еще весть проверинзе зептнень—Арась! Седе курок вешнеме.

— Результат марто тетрадесь тусь соревнованияс,—раксесть лыжниктне.

Тетрадесь жо эзь муев. Алкукс нать. «тусь соревнованияс». Но эрявить результатт. «Опытной» судьясь пек эзь тандадо. Сайсь конев лист ды кармась сэрмадомо.

— Бути Гандюрин 42 минута,—лепштитэ вежаськенть,—то Гулягин 43—45 минутас. Сон сась аламо до аволь кавто минутань ютазь.

...Вана анокт «результат-наяк!»


— Тон, Гулягин, кемеь километратнень ютыть 49 минутас,—яволятсь судьясь.—Васень тарканть санзе Гандюрин.

Результатонь получазь лыжниктне срадств.

Истяжо кортыть, што январень 5-це чистэ Бояркин сакшность чапансо, ды ёмавтынзе чапантнень.

ВЛКСМ-нь Дубенской райкомонь бюрось пельсь, што сы тренировкасто Бояркин, паряк, ёмавтысь прятзо ды сонзэ канзсь судейской коллегиянь председателёста комсомольской выскания марто.

П. Русскин.



Шанжакс (чеерентень): Киякссо пуленть ланга еще неавить ламанень следт. Кие-бути совси ловнома кудонтень.

Чеересь: Кой-зардо совси ловнома кудонь заведующеесь. Но мон маринь кортницят, бую истямо заведующеенть следнэзак тесе а улитъ.

Рисункась К. Марыжихинань.

Якстере Армиянь XXIII годовщианть лемсэ лыжной комсомольской кроссонть (соревнованиянт) ютавтомань коряс ВЛКСМ-нь ЦК-со оргкомитетсэнтъ

Январень 10-це чистанть ульнесь Якстере Армиянь XXIII-це годовщианть лемсэ лыжной комсомольской кроссонть (соревнованиянт) ютавтомань коряс ВЛКСМ-нь ЦК-со оргкомитетанть заседаниязо. Оргкомитетэсь примась постановления Якстере Армиянь XXIII-це годовщианть лемсэ лыжной комсомольской кроссонть маршевой (пешей) соревнованиантнень первичной комсомольской организациянтнень анокчист ванноманть ютавтомодо.

Оргкомитетэсь кармавтынзе райкомтнень ды горкомтнень военно-физкультурной комиссиянт ютавтомс 1941 пенъ январень 20-це чистанть 30-це чис лыжной кроссонть ды маршевой (пешей) соревнованиантнень первичной комсомольской организациянтнень анокчист ваннома.

Райкомонь ды горкомонь военно-физкультурной комиссиянтнень мерезь теэмс смотранть ютавтомань календарной план ды аравтомс сынст ютавтомо специальной уполномоченной комсомольской активистанть, те теветнень таргамс физкультурань ды спортонь мастертнень, физкультурной работниктнень, врачтнень. Сеть ялганть марто, конат аравтозь смотранть ютавтомодо, военно-физкультурной комиссиянтнень эряви ютавтомс смотранть теэмань порядкодонтъ тщательной инструктаж.

Смотратнень шкасто эряви проверямс:

а) кода ладазь роботась комсомолецнэ—лыжной кроссонь ды пешей соревнованианть участниктнень медицинской освидетельствованиянт коряс;

б) заро кроссонть участник-

тнеде, кода моли командань (пятеркань) комплектованиясь ды кода сынъ топавтыть тренировочной минимумонтъ;

в) кода комсомолецнэ максыть ГТО-нь комплексань лыжной норматнень;

г) кода комсомолецнэ сода-сызь кельмемань предупрежденият ды кельмеманть эйста васень лесксэнь максомань правилатнень;

д) кодамо состояниязо лыжной инвентаренть, кона ашти лыжной базатнэсэ ды комсомолецнэнь личной пользованиясо.

Смотратне ютавтовить практической занятия ладсо старте лисема марто ды аравтозь дистанциянь коряс соревнованиянть ютавтомодо марто. Кроссонть анокчист ванноманть марто вейсэ смотратнень эряви келлейста использовать сенень, штобу комсомолецнэ максывизь ГТО-нь комплексань лыжной ды пешей норматнень.

Оргкомитетэсь установил, што смотранть прядомодо мейле райкомонь представителесь ёвтасынзе итогтнень общей

комсомольской собраниясо ды результатнэде пачти райкомонь (горкомонь) военно-физкультурной комиссиян.

Оргкомитетэсь ловизе эрявиксэкс ютавтнемс смотратнень истямо ладсо, штобу комсомолецнэ примаволь участия профсоюзтнень Всесоюзной кроссонть. Эрва комсомольской организациянтъ обязанностезь—обеспечить комсомолецнэнь ды аволь союзной од ломатнень массовой участият профсоюзтнень кроссонть.

Оргкомитетэсь кармавтынзе райкомонь ды горкомонь военно-физкультурной комиссиянтнень физкультурной организациянтнень марто вейсэ 1941 пенъ январень 25-це чис аноктамс дистанцият, организовамс судейской коллегият ды контрольной аппарат лыжной ды пешей соревнованиантнень ютавтоманть туртов.

Обкомтнесэ, крайкомтнесэ ды союзной республикатнень комсомолонь ЦК-со оргкомитетнэнь мерезь ветиамс руководства

ды максомс лесксэ районной комсомольской организациянтнень смотратнень ютавтомасонть.

Оргкомитетэсь примась истяжо постановления комсомольской организациянтнень ёндо лыжной кроссонть ютавтомань районной (городской) графиктнеде.

Оргкомитетэсь кармавтынзе комсомолонь райкомонь, горкомонь военно-физкультурной комиссиянтнень 1941 пенъ январень 25-це чис теэмс лыжной кроссонть эйсэ, пешей соревнованиантнесэ комсомольской организациянтнень выступлениань календарной плант. Графикесь должен чарьковедикста неветеме эрва первичной организациянтъ соревнованиантнень чинть ды тарканть.

Обкомонь, крайкомонь ды союзной республикатнень комсомолонь ЦК-нь оргкомитетнэ обязаны 1941 пенъ январень 30-це чис кемектамс районга ды ошка лыжной ды маршевой (пешей) соревнованиань календарной плантнень.

Литературной страницы

П. Кономанин.

М О Р О

Чись мацеень киява
Нолашты вельсканок;
Курок, курок чокшнесь сы,
Минь улыцяв листяно.

Нурим ало—кужосо
Вастсамизь вень тарстесь,
Тундонь ковось ушосо
Валдомтсамизь парстесь.

Пурнавдано хороуде,
Доволь киштнетино.

Од, весёла порадоить
Морот моратано.

Зярд атакшт вайгельсэ
Пелевенть ёвтасызь,
Сестэ алясь поланзо
Кудо видьс ильтясы.

Седе курок, сырнень чи,
Валк-кеверть менельсэ,
Кадык эно чокшнесь сы
Мазыстэ, сэтместэ.

Н. Зорькин.

Т Е Л Е

Сась якшамо телесь,
Ашо ловось пры.
Болхозонь покш садсонть
Цёков а моры.

Увны, кежиявтни
Бурясь улыцясонть.
Сорновтни умарькстэнь
Таймаза садсонть.

Бушовица моря
Телень менельсэ,
Копачи эйсэнь
Пондакш покш пелесь.

Умок тусть нармутне
Лембе масторов...

Бозонь иля варшта—
Цитни ансяк лов.

Вешки якшам атысь,
Стуки палкасо,
Яки веленть перька
Ашо шапкасо.

Эйкаштнэ эйтэнзэ
Овси а пелить.
Ней сын пандо присто
Ливтнить—киряксить.

Якстере умарнеть
Свежа чаминест.
Травсить якшам-атянь
Эсест смелчисест.

КУЗ ЧУВТЫНЕ

(Рузонь кельсэ)

Покш вирьс чачнесь куз
чувтыне.
Покш вирьсэнь сон каснесь,
Телеть-кизэть свас нижестэ
Ды видестэ аштось.

Банды вармась морыль тензэ.
«Удок, кузнэ, бай, бай!»
Яшамось ловсо тапардыль:
«Иля кельме, ядгай».

Пелица серой нумолкай
Те кузнэнь алов сыль.
Лиясто кежев верьгизэсь
Сонзэ алга ардыль.

Чать, ашо ловось,
кавшанясь
Полоздо чикорды,
Те понав пильге лишинне
Капшазь вирьганть арды.

Уски лишминесь дровнинонь,
Сынст эйсэ атино.
Керизе сон куз чувтынень
Ды ускизе тенок.

Тезэнь тон ней наряднасто
Праздников тенок сыть
Ды ламо, ламо непямот
Эйкаштнень бандыть.

Переводось К. Деминэнь.

Эмиль Пятай.

М.Н.Осиповнень

—Ялганень

Мон повняса: маней сёксия
Килей лопанзо певёрдсь.
Минь мартот вастынек чокшнесь,
Тон туйть, Мишель, монь мелсь.

Сестэ, кода васенцеде
Варштавине сельмстэ сельмс
Ды венстик сювордаме кедеть,—
Тон туйть, Мишель, монь мелсь.

Чарькодитнень васень валга,
Чарькодинь, Мишель, тонь
кельсэ,
Ведь секскак кундытнень ялгакс,
Ведь секскак туйть монь мелсь.

Весе оймесэ, седёйсэ
Проконь ломань педе-пес;
Эсь прянь шнамо арась эйсэть,—
Самзай секс туйть монь мелсь.

А салава, а валдова
А каявкшнат завистьсэ, кежэ,
А вечкат лиянь сяддома,—
Секс, Мишель, туйть монь
мелсь.

Вечкса мартот ютко шкане
Тейнемс шуткат ды раксемс,
Весёлгалият ломанесь,
Ведь секскак туйть монь мелсь.

Вечкса яксекшнемс тонь марто
Сань чокшнестэ пелевес
Велень келес кортнезь, састо,—
Кортнемат кис туйть мелсь.

Тон лиснекшнат эрва валке
Садовод прок эсетъ тево,
Кастат садсонть од
умарькскеть,—

Теветь кис туйть монь мелсь.

Ялгакс, бути натой яван
Эйтэть, эрямонок пес
Минь улыцяно. А маняван
Ведь а стик туйть монь мелсь.

1941-це ие.

Илья Кривошеев.

ЭЙ, ЭЙДЯНЯКАМ!

Эй, эйдянякам!
На, цецянйкам.
Якстере фата
Лакави, ванта!

Весе олясо,
Мазый паласо,
Молишь улыцява
Веленть кунчава.

А-и—пейдить сынь!
Эх-и—рачить сынь!
Весе весёлат,
Седейть радушнат.

Эй, эйдянякам!
Каст цецянйкам!
Малиновой кить,
Эх, парот тонь чить!

Свежа рунгинеть,
Мазый чаминеть—
Зяро радостьсэ,
Зяро бодростьсэ?

Нака, морынем!
Марик кель-валнэм!
Эй, эйдянякам!
Каст, цецянйкам.

Б. Платонов.

СОКССО

Сэрей пандо присто
Бойкасто ардан
Валани сокстнэсэ,
Монсь моро моран.

Лембе рукавцясо
Келень а кельмитъ;
Галстук петне толгелькс
Мештесэнь лыйнить.

Кадык телень вармась
Чамас лов пули,
Кадык кежейгали—
Ловонь пандт вали.

Эйтэнзэ а пелян,
Арда—ансяк вант!
Вармантькак икельдян—
Ливтизь аловпандт.

Лисьма лангов сундирьгадозь
Од тейтерь ведь мельга сась.
Луганть вельска уйсь туман-
нось,
Цецинетнень лангс озась.

Тейтеренть мелсь лець: покш
ведьга
Васолга матрос укшны,
Эсензэ сельмензэ ладсо
Минек родинанть вансты.

«А ваякшныця корабли,
Ков те шкане тон уят?
Мекс кувать, сёрмань
кантаця,
Монень сёрма а кандат.

Кочкуровской р-н.

Кортить: сатьме океансо
Берётне а невяить.
Евтас: мекс, вечкевикс цёра,
Сёрмадомадо лоткить?

Или васоло ки лангов
Таго кувать туйть тон?
Марямака, вечкевикскам,
Пельдеть сёрма учан мон...

Ковонть ёжосто, менельсэ
Ашо кесак алов прасть.
Океанга укшномасто
Пристанев кораблят састь.

Н. Филиппов.

ОРГОДЕМА*)

Велесь лякшадсь, чатьмони.
Ансяк шкань-шкань ютазь
онгозеви киска. Онгить сын
пелезь ладсо, прок марясть
вергизэнь чине: а онгомс седе-
ест а цидарды, пек онгомс пе-
лить, секс сынст онгомас чо-
воряви цийнема марто.

Каврин лисэ кудостонть ды
зарсыя кунсолось. Сонзэ пи-
лес каявсь кувсема вайгель.
Мезе те истя: или алкукс кияк
кувси, или те чюдявсь? Моли
сон пиретне удалга латкованть.
Менельганть сонзэ марто ряд-
сек моли, теке автезь курго
тюжа кискине, ковось. Ды ва-
на тензэ маряви прок сон он-
гика.

Зарсыя сон молись, ютынзэ
вере пень пиретнень.

Валгсь куншка куков.

Варштазь Каврин менелен-
тень ды несы тувана икеле
ладсо жо стамбарнэ уи ковось,
кона молись ды теке вообра-

жал эсь эйтэнзэ сэрей, строй-
ной, парсте паряжась, но лов-
тания чама тейтерь.

Карпанень Каврин ёвтнекш-
низе Дригань историйнэ, ко-
да сон совсесь эйкакшнэ мел-
га толонтень ды кода мейле
пекстызь сонзэ. Карпа энялдсь
Кавринэнь икеле, штобу тонась
примаволь мерат Дригань мен-
стиямонть.

Сон вана моли тень тонав-
томо. Но тонавтови ли? Ведь
Дригань ды сонзэ марто пек-
стазьтнень ванстыть вооружен-
ной ломать? Виде, Кавринэнь
улить вадра ломанензэ, конат-
не анокт лездемо, но мезе
теят ниленеть-ветенеть? Ды
сенг берянь, што Кавринэнь
нелзя появамс сельмс. Бути
сонзэ несызь, илязо учо паро.
Сонзэ эйсэ вешнесть ды паряк
нейгак вешнить.

Сокипатне ёвтнизь сонензэ,
кода сын эизь максо Дри-
гань чавомс ды кода прово-
дасть эйсэнь. Сын фатясть

эсь виезэст ды сенень, што
сын тейсть а вадрасто.
Алкукскак, бутк аволизь максо
Дригань, мезе теовельть кар-
шост ластетне?

Зярд Каврин молись престо
удалга ды истя арсесь, Дрига-
явсь вишка вальминестэнь
ды стукадизе кенкшенть:

— Илядо стук, — сергедсь
каршонзо калгодо вайгель.

— Инескеть, пожалуйста
венелев молемам сась...

— Тоскоюк можешь...

— Потмом каладсь...

— Бути уш... натъ тандадо-
мадонть...

— Паряк теде...

— Но эно седе кукок...

Щёлкадесь панжумась ды
панжовсь кенкшесь. Шкась уш
умонь. Венть ушось еще седеяк
якшамгадсь. Часовоесь буль-
чом пеккельмесь: якась мекев-
васов ды киштевьс пильгензэ
эйсэ. Дрига ансяк гимнастёр-
касо. Сонзэ пейтне вейкест-
вейкест а сасыть. Часовоесь
нейзе тень ды секскак арсесь
натъ, што те якшамодонть а
ков тензэ оргодемс.

— Азэ ды седе кукок...

Сонсь жо пекстызе мекев
кенкшенть, штобу остаткати
авольть лисе ды криндятнесь
кенкшенть икеле.

Шкась ютась зяря. Дрига
яла арась. Часовоесь
мик тандадсь. Ков ёмась ломан-
несь?

Молись сон кардонь кенк-
шенть малас ды сергедсь:

— Эй, голодранец, седе ку-
рок! Ато озавтан штык лангс
оймесе...

Но каршонзонзо кияк эсь от-
веча. Сестэ сон кившкадсь тол
ды вансы... тосо раужо кис-
ка...

— Шайтан саессэ...—мерсь
ды тандадоманть марто тала-
кадсь.

Ансяк часошкань ютазь сась
тензэ ёжо ды чарькодсь кода
лисемс те апаростонть. Тылка-
дизе ложасонть вальманть
ды сонсь кармась леднеме.

Эйзензэ чийсть ялганзо ды
тандадозь кевкшесть:

— Мезе теовсь?..

— Якстере кискась порк-
сызе вальманть ды оргодсь...

— Ёо ёнов оргодсь?..

кона ёнов оргодсь Дрига ды
невтсь сон виренть ёнов.

— Вана той...

Оймась Дригань вешнемо
туциятнень дуборксоост... Часо-
воесь якась кудонть икельга.
Тов вете эськелькст, мекев—
вете... Тов вете, мекев—вете...

Каврин сыль кудов, марясы
ледеть. Сонзэ пряс састь апа-
ро арсемат. «Паряк те Дри-
гань маштызь? А сон вана
мезеяк эзь тее, штобу мен-
тямс сынст.» Сон натой уш
кармась арсеме, што те покш
преступленияньт кис ответить
аволь ансяк сеть, конат тень
теизь, но сонгак, конась до-
пустил те преступленияньт.

— Мезе одось?—кевкшизе
сонзэ Карпа.

— Мезе?...наверна маштызь...
Нолдызь пряс...Кувать ис-
тя арсесть...Арань Федя ста-
раясь кортнеманть аравтомс
лия теде, но мезеяк эзь листь.

Шкань ютазь сась Никита,
конась пачтась куля, што
Дрига оргодсь ды ней сонзэ
эйсэ вешнить велень келес.
Те куладонть мейле седейтне
кода-бути седе оймасть.

*) «Буря» повестьсэ саевкс.



А эрсить родительской собраният

Тонавтнама пень ютазь полугодиясь невтизе, што минек Б.-Маресевской средней школы показательные васенце четверть коряс а пек полавовств. Тесэ зярэя тонавтнициянь, кода К. Новиковань, Н. Розновань, Т. Кабановань, П. Куторкинэнь, М. Рабинэнь ды лиятнень ламо берянь отметкаст.

Тень ланге атак вано, а школань дирекциясь, а комсомольской организациясь мезек эзть тее сень кис, штобу витемс положенианть, мобилизуваме весе вийтнень успеваемостень кепедмантень ды дисциплинанть вадрылгавомантень.

Те шканть перть эзь ульне вейкеяк родительской собрания, арасель организоваз тонавтнициятнень тетяст-аваст туртов вейкеяк лекция или беседа эйкакшонь воспитаниядонть.

П. Букин.

Чамзинской р-н.



Якстере Армиянь рядтнэсэ, морясо ды воздухсо, колхозонь производствасо, заводсо ды фабрикасо, атак яксе таркатнева переходнэсэ, — эрзя косо славной Ленинско-Сталинской комсомолонь члентнэ эсест честной ды добросовестной трудост аштить примерэкс аволь союзной од ломатнень.

СНИМКАТНЕСЭ: (керш ёно) Ленинской чугунокань кинь Рыбное станциянь диспетчерсь-комсомолецэс П. С. Ионов ялгась. Сон паро роботань кис получизе ды уш зярэя ковт меельсек кирди эсь кедьсэньзэ ВКП(б)-нь райкомонь переходящей Якстере знамянь.

Таганской аэроклубсонть (Москов) роботыть колмо пек дружной оят—Р. Н. Воронцова, К. Н. Кузьмина ды М. Д. Глуховцева летчицатне, конат лововить производственной роботань отличникэс ды активной участия примить общественной роботасояк.

„Коминтерн“ крейсерэнь машинистэсь-комсомолецэс И. И. Хотенков ялгась ловови отличникэс кода боевой, истя жо политической тонавтнамасояк.

Паро ушодкс

Комсомолецтнэ эсь собраниясь примасть решения—толковамс колхозниктнень местной удобрениятнень пурнамонть лезэньзэ ды организовамс те тевенть ютавтомантень весе населенианть.

Истя тейстак. Колхозной собраниясо колхозниктне максты

вал пурнаме седе ламо кулов ды саразонь помет. Весе неть местной удобрениятне кармить вансовомо навозохранилищасо, конань ней строить.

Борис Платонов.

Кочкуровской район,
Пакся Тавла.

НАВОЗОСЬ КАРДО БОКАСО

Пакся вейкеяк улав атак уско навоз Сабаева велень колхознэнь. Скотинань кардтнэ жо те шкас навоз потсот. Тува, кардтнэнь бокава, сееть-

стэ яксить и вельсоветэнь руководителю и колхозонь правлениянь работникть, но кодак а чарькодить, што навозось учи, зардо паксяв ускысы. Ф. Ч.



„Мезекс те тевесь?“

— Мезекс те теветь?—кодак а чарькодсь местной удобрениятнень пурнамонть лезэньзэ Каганович лемсэ колхозонь председателес Камаев ялгась. Колхозниктнень туртов теезельт зярэя лекцият агро-технической мероприятиятнень значениядонть. Лекциятнэ местной удобрениятнэяк. Лекциятнэсэ ульнесь Камаев ялгась-как. Ансяк нать эзинзе чарькоде сынст.

Комсомолецтнэ сайсть мель пурнаме местной удобреният. Тень кис сын мольте колхозонь правленияв алашань вешеме.

— Мезекс те теветь? Мень тенк местной удобреният, минь сыстеместкак обойдемся,— мерсь Камаев ялгась ды эзь максо алаша.

П.

Б.-Березниковской р-н.

ГРАНИЦЯНЬ ТОМБАЛЕ

Англо-германской войнась

Кода пачти германской информации бюрось, январень 14-це чинть перть германской авиациясь, аволь вадра погоданть кувалма, тейнесь ансяк разведка Южной Англианть велькссэ. Тень пингстэ ульнесь установлено, што налетнэ, конатнень германской авиациясь меельсэ ветнестэ тейнинзе Плимутсо ды Портсмутсо военной объектиань ланге, ульнесь успешнойть.

Рейтер агентстванть сведения коряс, январень 15-це чинь каршо вестанть английской самолетнэ эзть ливтне Германиянь велькссэ.

(ТАСС).

Албаниясо военной действиятне

«Политика» югославской газетась сэрмады, што январень 14-це чистэ албанской фронтонть ульнесь ансяк местной характерэнь бойть. Греческой войскактне кемекставкшныть од позициятанесэ.

Южной фронтонть, Химара ошонть эйстэ север ёно, ульнесь артиллерийской леднема. Фронтонть те секторсонть греческой пехотас а л а м о д о шаштсь икелев. Январень 14-це чистэ итальянецтнэ тесэ тейнесь контрнаступления.

Тепелене ошонть маласо бо-ропьямось яла моли.

Северной фронтонть сатьме. Кавонест воевиця ёнкстнэ аноктить од бойтнень.

(ТАСС).

Корреспондентнэде ды корреспонденциятнэде

«Ленинэнь киява» газетанть сэрмадыть икелевгак колхозной од ломат: комсомолецт, пионерт ды школьникт. Сынст эйстэ сех ламотне средней школы тонавтницият. Веенстэ сэрмадыть уш умок, сынст ули навикст, материалонть виде подходст. Но, витьстэ меремс, истятнэде аволь ламо. Седе сеетьстэ сэрмадыть газетанть истят юнкор, конат еще а содыть, кода роботамс материалонть лангсо, а маштыть главноенть явоманзо мелочтнень эйстэ. Секс сеетьстэ сакшныть редакцияв корреспонденцият, конатнень печатамс а савкшны. Или юнкорсь увлекается вишка значениянь фактсо, или эривике материалось максо, кода мерить, «бесхребётна»: а конкретной ломат, а факт, а цифрат материалонть а неавить.

Вана Чамзинской районсо Б. юнкорсь сэрмады: «Покш Маризь велень колхозниктне ды весе эриятне беряньстэ подписываются газетас, те секс, што эриятнень ютксо а веть разьяснительной работа

од ломатне, конат парете содасысь газетанть значениянзо. Ламо ломат мезеяк а содыть международной положениядонть».

Нама, истямо заметкась кинь-гак а токасы седеензэ; сон киньгак а мобилизови тевенть витемс.

Темась жо серьезной, эривике.

Велесэ культурной роботась, пропагандась—икелевгак комсомолонть тевезэ. Ки комсомолонь организациянь секретаресь, занимались ли комсомолецтнэ печатень распространениянь вопросонть, мелавты ли теде ловнома кудонь заведующеесь, ки почтасо возглавляет печатень распространениянь, кода практически веть газетас сэрмадстоманть—истят ёнкстнэнь ланге юнкорсь эзь варшта.

Кой-кона корреспондентнэ беряньстэ следить эрямонть мельга, а неить сень, мезес те шкастонть сехте злободневной, сехте эривике, а содыть мезе ланге эривике явомс седе покш мель.

А виде думаем, што велень

корреспондентанть тевезэ ашти сеньсэ, штобу таргамс ланге ансяк отрицательной факт. Сон должен невтемс и положительной факт, мобилизуваме ловныциятнень вадра примеранть ладсо тееме, кепедемс од вопрос.

Минек жо кой-кона велькорнэ тень кувалт а максты эстет отчет.

Вейке юнкор, конань псевдонимезэ Б. Петров, сэрмады: «...Физкультурной залось оборудоваз пек вадрасто. Стенава понгавтнэз портретт, плакат, значок ланге зачетонь максома программат, стенатне ашот, киякось эри свал ванькс. Но мейсэ жо те залонть берянь стороназо? Тесэ берянес ашти сеньсэ, што те залось эри свал пек якшамо, атак вано сень ланге, што ули сатышка уштомацельгак (торф ды пенгть).»

Лисни, што физкультурной залось вадра, пенгтьгак улить, кадовсь ансяк истоничанть кармавомс уштомо галанкас седе ламо пенгть. Нать те теветь а тееви тоск, областной печатень воздействиявомо?

Или еще пример.

«Неполной средней школань

тонавтнициятне пек озоровить. А. И. ученикесь уроксто ансяк балови. Перерывстэ тури ды бороци. Цють-цють прынзо лангсо а яки».

Чарькодеви, што те корреспондентциясь может тееме ансяк школьной стенгазетас.

Тень кувалт савкшны кортамс секс, што истят материалт кучнить юнкор, конат сэрмадыть уш зярэя иеть, конатнень, неаволь бу, ули сатышка опытэст, но касыть беряньстэ.

Седеяк берянь се, зардо корреспондентэсь сэрмады газетас безответственно, аволь точна.

Весть «Ленинэнь киява» газетас састь кавто сэрмат. Вейкенть эйсэ юнкорсь сядлы ловнома кудонь заведующе-енть культмассовой роботанть калавтоманзо кис. Омбоце сэрмасонть теке жо велень лия юнкор те заведующеенть эйсэ шны. Секеть жо юнкорнэ овси противоположной оценкат максты сынст велесэнь газетас сэрмадстома тевентень.

Нама, бути юнкорнэ материалонть кундавольте серьезна, мелень явозь, истямо разнбой фактонть оценкань

максомсто аволь лисе.

М. И. Калинин собевенной корреспондентнэнь совещаниясо 1938 нестэ эсь выступлениесонзо тешкетас, што «сех главноес—сэрмадомс честна, представить картинань истя, кодамо сон ули, ды максомс тонсэть оценка».

Самай те честностесь ды оценкань максомсто серьезной отношениясь кой-кинэ и а сатни.

Минек корреспондентнэнь, теде башка, эривике явомс покш мель заметкань обработканть ланге.

Тень стувтнемс корреспондентнэнь а эривике.

П. Кономанин.

Ответственной редакторось
А. ШЕГЛОВ.